



Inatsisartuni ilaasortaq Hans Enoksen, Partii Naleraq  
/maani

## **Mittarfinnik sanaartornissaq pillugu § 37 naapertorlugu apeqquteqaammut 2019-258-imut akissut**

02-08-2019  
Suliaq nr.: 2019 - 16940  
Id nr. 43118195

Asasara Hans Enoksen

Inatsisartut suleriaasianni § 37 naapertorlugu mittarfinnik sanaartornissaq pillugu Naalakkersuisunut apeqquteqaateqarputit. Apeqqutit uannit akineqartussat innersuunneqarpoq. Apeqqutit matuma kinguliani allanneqarpoq, akissummillu malitseqarluni.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

### **Apeqqut 1. Nuummi Ilulissanilu mittarfinnut suliniutit ukiuni pingasuni piareersarneqareerlutik suliarineqalerput, mittarfiliornissanut aqqusinniornissanullu sanaartornissamut qallunaat ingerlatseqatigiiffiat, Munck Gruppen A/S toqqarneqarpoq, Inuiaqatigiit paasisariaqarpaat Nuummi aamma Ilulissani sanaartugassanut mittarfissuarnut qanoq akiliuteqassanerlutik?**

Akissut: Mittarfissuit sanaartorneqarnissaannut akigititaq inuiaqatigiit ilisimasariaqaraat pillugu, Naalakkersuisut isumaqataapput. Aamma tamanna pissaaq. Taamaakkaluartoq Kalaallit Airports International A/S-ip paasissutissiissutigaa, sanaartorneqarnerisa ataatsimut akia maannakkumuugallartoq paasissutissiissutigissallugu naleqqutinngitsaq. Tamatuma saniatigut tassunga patsisaasut arlallit Kalaallit Airports International A/S-ip paasissutissiissutigai.

Siullermik Kalaallit Airports International A/S-ip aamma Munck Gruppen-ip akornanni isumaqatigiissutissaq suli atsiorneqanngilaq.

Tulliullugu mittarfissuit illutassaasut suli suliariumannittussarsiuunneqanngillat. Suliariumannittussarsiuussinissaq sioqqullugu mittarfissualiassat sanaartorneqarnissaanut akigititaq tamanut saqqummiunneqarpat, mittarfissuit illutassaannut entreprenørit neqerooruteqaratarsinnaasut, Kalaallit Airports International A/S-ip mittarfissuit illutassaannut missingersuutaannik naatsorsuisinnaalissapput. Suliniutinut tamakkiisumik missingersuutit sanaartornermut inatsimmi allassimanagerat, tamatumani tunuliaqutaavoq. Taamaalilluni entreprenørit neqerooruteqartut, suliniummut akitsorsaataasumik neqerooruteqarnissaminnut periarfissaqalissapput, taamaalilluni nunap karsianit aningaasartuutinut annertusaataassalluni.

Naatsumik oqaatigalugu akimik tamanut saqqummiussineq nunap karsianut,  
inuaqatigiinnullu kingunerlussinnaavoq.

Neriuppunga qulaani allaqqasuni apeqquteqaatit akineqartoq.

Inussiarnersumik inuulluaqqusillunga



Karl Frederik Danielsen